

UPRAVA DRUŠTVA
Broj: U.D.01.4.-1821/20
Sarajevo, 29.01.2020. godine

GENERALNA DIREKCIJA

Na osnovu člana 70. stav (3) Zakona o javnim nabavkama ("Službeni glasnik BiH" broj: 39/14), člana 45. Statuta "JP BH POŠTA" d.o.o. Sarajevo, i člana 14. stav (2) Pravilnika o javnim nabavkama "JP BH POŠTA" d.o.o. Sarajevo, te prijedloga - preporuke Komisije za nabavku kancelarijskog inventara za potrebe "JP BH POŠTA" d.o.o. Sarajevo – ponovljeni postupak broj: 07.4-26.5-8470-68/19 od 24.01.2020.godine, Uprava Društva na svojoj 254.elektronskoj sjednici održanoj 29.01.2020. godine, d o n o s i:

O D L U K U
O IZBORU NAJPOVOLJNIJEG PONUĐAČA
u postupku nabavke kancelarijskog inventara za LOT 6

I

U postupku javne nabavke kancelarijskog inventara za potrebe "JP BH POŠTA" d.o.o. Sarajevo – ponovljeni postupak za **LOT 6: Itison-podna prostirka i trakaste zavjese**, ovom odlukom vrši se izbor najpovoljnijeg ponuđača: **"INTER-Com" d.o.o. Zenica**, Ul. Vrandučka 71 B, 72000 Zenica, BiH, **sa ukupnom vrijednosti ugovora od 12.900,00 KM bez PDV-a, odnosno ukupnu vrijednost ugovora od 15.093,00 KM sa uračunatim PDV-om.**

II

Izabrani ponuđač je dužan u roku od 5 dana od dana prijema ove odluke dostaviti dokaze predviđene članom 45. Zakona o javnim nabavkama u formi i sadržaju kako je to zahtijevano u tenderskoj dokumentaciji ovog postupka nabavke. Dokazi moraju biti fizički dostavljeni na Protokol ugovornog organa najkasnije peti dan po prijemu odluke o izboru, u radnom vremenu ugovornog organa (do 16 sati), te za ugovorni organ nije relevantno na koji su način poslani. Dokazi koji se zahtijevaju moraju biti originali ili ovjerene kopije.

III

Po okončanju roka za žalbu odnosno po pravosnažnosti ove odluke, ugovorni organ će pozvati izabranog ponuđača, radi zaključenja ugovora kojim će se regulisati međusobna prava i obaveze vezane za predmetnu nabavku, u skladu sa zahtjevima - uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

O B R A Z L O Ž E N J E:

Na osnovu Odluke o pokretanju postupka javne nabavke robe: Nabavka kancelarijskog inventara za potrebe "JP BH POŠTA" d.o.o. Sarajevo broj U.D.01.3.1-10983/19 od 09.07.2019. godine i Rješenja Generalnog direktora o imenovanju komisije za provođenje postupka nabavke robe: Nabavka kancelarijskog inventara za potrebe "JP BH POŠTA" d.o.o. Sarajevo broj: 01-26.5- 8470-24/19 od 09.07.2019. godine, Zaključka U.D.-01-3.1-17524/19.2.9. br. 241.2.9. od 19.11.2019.godine, Komisija je provela ponovljeni postupak javne nabavke, putem otvorenog postupka sa objavljivanjem Obavještenja o nabavci, broj: 238-1-1-96-3-195/19 od 23.12.2019.godine na Portalu JN.



Javno otvaranje ponuda u postupku predmetne nabavke održano je dana 17.01.2020.godine u 10:15 sati, u Banket sali Generalne direkcije "JP BH POŠTA" d.o.o. Sarajevo, Obala Kulina bana br. 8, o čemu je sačinjen poseban Zapisnik o otvaranju ponuda broj: 07.4-26.5-8470-66/19, koji je sastavni dio ovog Izvještaja. Zapisnik sa otvaranja ponuda je poslan ponuđačima putem maila.

Na Protokol Društva do roka određenog za prijem ponuda (17.01.2020.godine do 10:00 sati), pristigle su ponude slijedećih ponuđača:

LOT 6: Itison-podna prostirka i trakaste zavjese:

1. „INTER-COM“ d.o.o. Zenica, Vrandučka 71B, 72000 Zenica,
2. „MEGA-ROLL“ d.o.o. Gračanica, Polje bb, Miričina, 75329 Gračanica,
3. „R&S“ d.o.o. Sarajevo, Igmanska b.b., 71320 Vogošća,

Komisija je, nakon završenog otvaranja ponuda, pristupila analizi i utvrđivanju validnosti prispjelih ponuda, te konstatovala sljedeće:

Za LOT 6: Itison-podna prostirka i trakaste zavjese:

1. Ponuda ponuđača „**INTER-COM**“ d.o.o. Zenica, Vrandučka 71B, 72000 Zenica, sa ukupnom vrijednosti ponude, bez uračunatog PDV-a u iznosu od **12.900,00 KM** ispunjava sve pravne, ekonomske i tehničke uslove ugovornog organa definisane tenderskom dokumentacijom, te je ista **ocjenjena kao formalno – pravno, ekonomski i tehnički prihvatljiva**.
2. Da ponuda ponuđača „**MEGA-ROLL**“ d.o.o. Gračanica, Polje bb, Miričina, 75329 Gračanica, sa ukupnom vrijednosti ponude bez uračunatog PDV-a u iznosu od **12.990,00 KM**, ne ispunjava sve zahtjeve ugovornog organa definisane u tenderskoj dokumentaciji, te je shodno tome ocijenjena **neprihvatljivom** za ugovorni organ i ne može biti predmet vrednovanja zbog sljedećih činjenica:

Ponuda br. 95-95/2020 od 08.01.2020.godine ne sadrži tehničku specifikaciju niti katalog za artikal br. 1, Aneksa 3., odnosno ponuda ponuđača „MEGA-ROLL“ d.o.o. Gračanica, Polje bb, Miričina, 75329 Gračanica ne zadovoljava uslov iz tačke 7.3.1. pod c) tenderske dokumentacije:

„7.3.1. Što se tiče tehničke i profesionalne sposobnosti, ponuđači trebaju ispuniti slijedeće minimalne uslove a koji se mogu potvrditi sa dokazima iz člana 48 i 49. Zakona a to su:

c) Kopija kataloga i tehnicke specifikacije proizvođača ponuđene robe sa jasnim oznakama modela i verzija;”

tj. Isti nije dostavio dokaz zahtjevan tačkom 7.3.2 pod c):

c1). Ponuđač je uz ponudu, za sve robe LOT-a za koji se prijavljuje, dužan dostaviti kopiju tehnicke specifikacije proizvođača ponuđene robe sa jasnim oznakama modela i verzija iz



GENERALNA DIREKCIJA

koje je vidljivo da ispunjava sve tražene tehničke uslove. (Tehničke specifikacije ponuđene robe mogu se dostaviti u običnoj kopiji).

c2). Ponuđač je upoznat i prihvata da uz ponudu dostavi katalog sa tehničkim opisom označenim brojem i pozicijom iz specifikacije iz koje je vidljivo da ispunjava sve tražene tehničke uslove te da će ako ne dostavi katalog njegova ponuda biti odbijena kao neprihvatljiva.

3. Da ponuda ponuđača „R&S“ d.o.o. Sarajevo, Igmanska b.b. , 71320 Vogošća, sa ukupnom vrijednosti ponude bez uračunatog PDV-a u iznosu od **15.660,00 KM**, ne ispunjava sve zahtjeve ugovornog organa definisane u tenderskoj dokumentaciji, te je shodno tome ocijenjena **neprihvatljivom** za ugovorni organ i ne može biti predmet vrednovanja zbog sljedećih činjenica:

Ponuda br. 1050/2020 od 16.01.2020.godine za artikal br.1 Aneksa 3, sadrži proizvod koji nije u skladu sa propisanim tehničkim veličinama iz tenderske dokumentacije.

Veličine koje nisu u skladu sa tehničkom specifikacijom iz Aneksa 3 za artikal br.1, propisano tenderskom dokumentacijom:

Visina Flora: 3 mm
Ukupna visina: 5 mm

- Tehnička specifikacija ponuđenog proizvoda na strani 17 ponude:
Visina Flora (Pile height): 5,5 mm
Ukupna visina (Total thicknes): 8,5 mm
- Tehnička specifikacija ponuđenog proizvoda na strani 21 ponude:
Ukupna visina: 5,5 mm

Na osnovu gore navedenog, a shodno utvrđenom kriteriju „najniža cijena“, komisija utvrđuje konačnu rang-listu ponuđača, koji su ispunili kvalifikacione uslove, sa uračunatim popustom i bez PDV-a, kako slijedi:

Red. br.	Naziv ponuđača	Ukupna cijena ponude bez PDV-a, (KM)
1	„INTER-Com“ d.o.o. Zenica, Ul. Vrandučka 71 B, 72000 Zenica, BiH	12.900,00 KM

Cijeneći navedeno i utvrđenoj rang-listi ponuđača, Komisija jednoglasno daje preporuku Upravi Društva da donese:



- **Odluku o izboru najpovoljnijeg ponuđača „INTER-Com“ d.o.o. Zenica, Ul. Vrandučka 71 B, 72000 Zenica, BiH, u postupku javne nabavke: Nabavka kancelarijskog inventara za potrebe „JP BH POŠTA“ d.o.o. Sarajevo – ponovljeni postupak LOT 6, koji je ponudio najnižu cijenu prihvatljive ponude u iznosu od **12.900,00 KM bez PDV-a, odnosno ukupnu vrijednost ugovora od 15.093,00 KM sa uračunatim PDV-om;****



Obzirom da ponuda ponuđača „**INTER-Com**“ d.o.o. Zenica, Ul. Vrandučka 71 B, 72000 Zenica, BiH u potpunosti odgovara traženim tehničkim zahtjevima Ugovornog organa, i da ovaj ponuđač ispunjava sve formalno-pravne, tehničke i ekonomske uslove odnosno zahtjeve Ugovornog organa, odnosno da je njegova ponuda prihvatljiva za ugovorni organ, data je preporuka Upravi Društva da se u predmetnom postupku javne nabavke izvrši dodjela ugovora navedenom ponuđaču.

Cijeneći navedeno donesena je odluka kao u dispozitivu.

PRAVNA POUKA: Svaki ponuđač koji ima legitiman interes za konkretan ugovor o javnoj nabavci i koji smatra da je ugovorni organ u toku otvorenog postupka dodjele ugovora prekršio jednu ili više odredbi Zakona o javnim nabavkama i /ili podzakonskih akata ima pravo uložiti žalbu ugovornom organu u roku od 10 (deset) dana po prijemu odluke o izboru, shodno članu 99. i članu 101. Zakona o javnim nabavkama.


GENERALNI DIREKTOR

mr. scđ. Mirsad Mujić

DOSTAVITI:

- Služba za pravne, kadrovske i opšte poslove (Nosilac posla)
- Sektoru za EKF
- Marketingu (za objavu)
- Odjeljenju za J.N.
- Ponuđačima putem Odjeljenja za javne nabavke
- Arhivi U.D.
- a/a

